

Εὐφροσύνη γαμήλια,

IN HONOREM  
EXIMII ET POLITISSIMIDNI. ANDREÆ  
ZERNEKE,Mercatoris & Civis inter Thorunienses  
conspicui,

SPONSI,

&amp;

PIÆ AC PUDICÆ VIRGINIS

ANNÆ  
CATHARINÆ,NOBILISSIMI, AMPLISSIMI,  
ET SPECTABILISDNI. JOHANNIS  
NOGGII,

Reipubl. Thoruniensis Consulis

FILIÆ,

SPONSÆ,

Cum Genialis Lectus An. 1706. d. 18. Maji sterneretur,

a

PROFESS. ET VISITATORIBUS GYMNI.

scriptæ.

THORUNII,

Excudebat Johannes Conradus Rügerus, Nobiliss. Senatûs &amp; Gymnasii

Typographus.





**S**PONSE, tuas tædas fas est celebrare decenter,  
Et dare conjugio vota secunda pio.  
Dignus es his meritis, tua laus perstabit in ævum,  
Vistula dum liquidas exonerabit aquas.  
Vidimus heu! studium pulchrum, pulchrosque  
labores,

    Queis exornasti Gymnadis antra bonæ.  
Otia spernebas, Musarum festa legebas,  
    Quarum longa Tibi tela frequensque fuit.  
Post mercaturam tractabas promptus honestam,  
    Atque piæ vitæ semper amator eras.  
Moribus ut pulchris tandem fulgentior esses,  
    Extera spectabas & peregrina loca.  
In Patriam rediens studuisti Civibus esse  
    Vir bonus, & multis commoda ferre bona.  
Cætera quid referam? sunt hæc infixæ medullis  
    Nostris, atque probis non peritura manent.  
Hinc Tibi præclaræ fert selectissima Virgo  
    Præmia Virtutis, præmia poscit amor.  
Cui comes est pietas, fulgensque modestia vultu,  
    Dedita tota DEO, dedita tota Tibi.  
Ornat præstantem cujus prudentia mentem,  
    Castaque Virgineus purpurat ora pudor.  
Nec sine dote venit, quamvis dotata sat hæc est,  
    Quæ decus illæsi casta pudoris habet.  
Hanc sincerus amor jungit Tibi supplice gestu,  
    Obsequio facilem devovet atque tuo.

Sed



Sed quid ego multis saturas jam demoror aures?  
Vendibili vino non opus est hedera.  
Et licet exiles mihi sint in carmina vires,  
Nec fluat ingenium divite fonte meum.  
Sit mihi nec crater fulgenti splendidus auro,  
Quo possim thalamum condecorare tuum.  
Attamen exiguo nunc hos Tibi grator honores  
Carmine, quæquæ queo pectore vota fero:  
Det DEUS omnipotens novus hic torus ut fit in ævum  
Felix, atque diu prospera cuncta vehat.  
Tot diæ bonitatis opes prensatis uterquæ,  
Vistula quot pisces, gramina campus habet.  
Sit Tibi cum Sponsa Concordia, paxquæ perennis,  
Conjugium vestrum dirigat unus amor.  
Ut Socer & Socrus capiant hic gaudia mille,  
Crescat in immensum gloria summa DEI!

*Script.*

M. MARTINUS Böhm.

---

Proverb. XIX 14.

*A Jehova autem est uxor intelligens.*

CONjugium felix est id, cujus DEUS autor,  
Custus amor, pietas, vincula cujus erant.  
Id miro divina modo benedictio ditat,  
Et donat, quicquid pectora casta petunt.  
Conjugio ex tali nascuntur pignora casta,  
In queis perpetuò stemmata clara vigent:  
Gloria Majorum celebris sine labe perennat,  
Et justæ Patrum multiplicantur opes.  
Contra Conjugium, quod præcepit æstus amoris,  
Quod vinum, nox, æs, arsquæ maligna parat,  
Infauftum est, crimen licet occultetur abusu  
Divini cultûs, ritibus atque bonis.  
Illiciti non diluitur sic crimen amoris,  
Omni quod Sponsis absque dolore placet.

Tur.



Turpis amator utut dicatur cælica proles,  
Donec amator erit turpis, adulter erit.  
Sicque DEO adverso quod fœdus initur iniquè,  
Per nullas epulas convaluisse potest :  
Huic licet applausisse Deosque Deasque Poëta  
Omnes affirmet carminis arte novâ.  
Conjugium siquidem malè pactum causa malorum  
Esse solet tot, quot mens meminisse valet.  
Conjugium illicitum primum disperdidit orbem,  
Ex quo nata fuit pessima progenies:  
Quæ justum Numen temerè commovit, ut unda  
Exitiali hominum perderet omne genus.  
Dulce quidem primis censetur id esse diebus,  
Ast his præteritis tempora amara fluunt.  
Namque odium crudele parit præcox amor : inde  
Rixæ proveniunt ac inimicitia.  
Mox mala verba sonant, mox tetrica verbera pulsant:  
Non prodesse placet, sed nocuisse placet.  
Dum verò malè consulitur sic rebus honestis,  
Immensæ rixis dilacerantur opes.  
Hinc post paupertatis onus, dispendium honoris,  
Crux animi, luctus, morsque tremenda venit.  
Horruit exemplis doctus ZERNEKIUS ista  
Damna stupenda satis Conjugii illiciti.  
Quapropter Sponsam sibi despondere pudicam  
Sustinuit, clemens quam DEUS ipse dedit.  
Æqualem ducit formâ, fortunâ, genteque Sponsam;  
Felicis certum Conjugii omen id est.  
Et DEUS ipse, duo qui pectora junxit amore  
Casto, Conjugii commoda cuncta dabit,

*Qua ex animo apprecatur*

M. MARTINUS BERTLEFFIUS.

